



魏憲副念庭先生詩詞序

從來詞人之詩期於纂組英華隳順體勢以求工於聲律格法而已惟夫原本性情發抒忠愛上而敷陳功德下而感懷時事贈答僚友而以其緒餘旁及於山水花月之間則其人爲傳人其詩爲傳詩而非尋章摘句比於雕蟲末技者可同日語也柏鄉魏憲副念庭先生爲相國正菴公令嗣相國粹於理學長於經濟爲熙朝人物之冠而其詩高出一時北方學者多宗仰之先生紹聞家學以其經術爲救時之吏廉而不劇嚴而不苛拊循吏民而各愜其所欲始佐郡濠州繼刺漳江又繼而駐節京口弊除利興民皆休息因得於政治之暇發

為詩篇揚厲 盛明天保以下之頌禱也將毋作歌四
牡使臣之懷駭也撫時觸物跌宕感慨大東之告瘁民
勞之憂心也燕會僚友往還耆舊吉甫申伯及仲山甫
之餞送而永懷也至於登高臨深采擷花草吟弄風月
若無當於興觀羣怨之大者亦不入於纖小鉅釘之習
夫豈屑屑焉取妃青白僅以詞華自矜者哉嘗觀古人
以義理政治為之原而詩文仍不朽於後世者如元魯
山李贊皇韓魏公朱徽公之流議論卓越詞藻壯麗雖
片言隻句猶想象其風采而企慕其為人今先生治行
傳於八閩江左之口而詩詞之可傳又追古人而從之
其殆後先一轍者與潛辱先生文字知適館授餐有加

靡已故知先生獨浚蓋先生以天授之姿得家學之正
其於理民涖政亦祗行所無事然而況於文章又況於
文章中詩詞之末耶世有目先生為詩人者甚勿以知
文許之康熙後壬寅八月長洲後學沈德潛題於黃葉
夕陽村舍

懷舫詞目次

江南春

思帝鄉

歸自謠

水晶簾

三字令

巫山一段雲

浣溪沙

採桑子

南鄉子

南柯子

虞美人

前調

南鄉子

蝶戀花

踏莎美人

好時光

揉碎花箋

聲聲令

越溪春

千秋歲

解珮令

最高樓

傳言玉女

剔銀燈

古陽關

春雲怨

百字謠

滿庭芳

又

水調歌頭

水龍吟

角招

瀟湘逢

一萼紅

擊梧桐

西江月漫

沁園春

賀新郎

沁園春

詠美人足

沁園春

九日即事

沁園春

前調

前調

霜葉飛

十二時

鶯啼序

鶯啼序

崇川春望

春霖

琴調相思引

菩薩蠻慢

荔枝香近

尋芳草

梅子黃時雨

透碧霄

奪錦標

子夜歌

山亭柳

鬪百花

酬江行

看花回

四園竹

驀山溪

早梅芳

瓜茉莉

長亭怨慢

金縷曲

雙頭蓮

懷舫詞目次續

滿庭芳

前調

山亭柳

大江乘

前調

一叢花

尋芳草

浪淘沙

山花子

浪淘沙

減字木蘭花

一叢花

沁園春

花心動

雨霖鈴

滿庭芳

探花信

前調

前調

沁園春

解語花

疎簾淡月第一體

玉蝴蝶第三體

瑤臺第一層

再題像贊

懷舫詞

江南春

殘月落野雲飛半篙
新水嫩幾點遠山微
冰消梅老鶯花晚
二月江南寒未歸

思帝鄉

燕市酒上元燈紫陌飛塵隨馬踏
歌聲腸斷香車繡幕
恁盈盈今夜淮南春
月舊時明

歸自謠

煙樹暝遊子遠遊如斷梗
岸風搖碎寒燈影
篷窗月照春宵永
名心冷不遑將母為誰詠

水晶簾

在江南
寄內子

小樓此際又春風日高春繡窗紅斷香殘夢好把寄吳
儂梁上舊巢雙燕子今到否捲簾籠

三字令 春曉填
示兒輩

春又到霽雲飛弄朝暉湘簾捲篆煙微好攤書休負却
日長時

巫山一段雲 弔亡
妓

洛浦驚鴻杳行雲入夢遙清歌紅豆憶寒宵心上種情
苗恨有留傳賦魂多黯澹招夕陽深巷粉香消鞍馬
恁蕭條

浣溪沙 閒遊虎阜兼訪六合令家
姪憶舊多懷偶成四調

三月江南帶小寒春光濃處恁閒看有時不著鷓鴣
聲

時舍姪科
頭相近

長袖細腰妝束好松龕蕪徑粉香殘夕陽西

下欲留難

一曲悲涼泊暮洲長歌不道會消愁自憐情緒久悠悠

湖海夢中雙禿鬚煙波天際一扁舟那禁殘月照津

樓

吳苑花飛落碧茵樊川慚愧晚尋春紅樓不見舊歌人

畫舫自牽新柳岸嬌喉曾動暗梁塵可憐青鬢已如

銀

汗漫遊踪過便忘夢回酒醒忽沾裳金尊檀板少年場

蕙草怨香彫九畹竹枝和淚滴三湘幾人生福老柔

鄉

採桑子

憶從去臘離炎郡五夏京華十丈塵沙八月秋江泛客
槎南州每起弁州思兒女嘈嘈囊篋蕭蕭自惜淒涼
為折腰

南鄉子

春憶

情緒怯春多新水池塘拍小波簾外花明苔綠軟晴和
幾處鶯聲曉夢訛故國憶如何長晝無人燕子過深
院海棠開徧否透迤笛裏關山鬢早皤

南柯子

吳江夜泊

鳴柝城闌靜懸燈夜漏深半規涼月又西沉恰聽扁舟
頭冰過江心薄醉尊前倦輕寒枕上侵雞聲鼎鼎起

煙林却自黃昏愁睡到如今

虞美人

春初舟行

野梅幾樹飄如雪烟籠寒塘月纔添春水欲平橋又被
東風吹雨徧江皋少年湖海思長往森沓神山想即
令白髮負春時却悔風光消盡好襟期

前調

所憶

攤衾薄醉難成夢祇是閒愁重昨宵窗下語無多不覺
坐眸清淚到裙羅扁舟孤劔人千里飄蕩何時已樓
頭春淺抹輕烟早近江城潮打杏花天

南鄉子

殷殷過輕雷門外燒痕碧漸回一夜斜風吹細雨相催

落盡寒塘幾樹梅 冷豔葬山隈 酒買郵亭 奠綠莓 紙
帳嬌魂 投夢處 心灰自古埋 香土半堆

蝶戀花 憶別

吳苑春拋人久客 紅雨飛殘 南浦離思迫 向減腰圍今
更窄 別時渾欲吟頭白 槐柳新陰成 廣陌酒醒歌闌
絕 少鞭愁策 淺暖輕寒 朝復夕 十年薄倖聲名藉

踏莎美人 無題

零落瑤華 催殘珠樹 五湖那是安身處 煙波相憶 欲相
招多恐 罡風吹斷 画蘭橈 四壁鳴蟲 一簾寒雨 小窗
言記 訂私語 情深雙頰 暈紅潮 爲問相思 何物在 盲膏
好時光

猶記春宵 寒峭雲罅 星照幽窗 薄醉未眠 情脉脉 人扶
白玉牀 試問君此後 情定否 老何鄉 世事渾難測 已負
好時光

揉碎花箋 春懷

值新春 無一事 恰霽連宵 雨樹杪 閒雲多 被歌聲駐 老
梅幾葉 初披 仍留香霧 酌酒向萬花 深處 如水流光
荏苒成虛度 十年愁夢 青山頭 顧如故 問華髮 君來何
太遽

聲聲令 前題

窗間月影 竹裏鶯聲 一年春事 最關情 煙消雲斂 旭陽
恰弄新晴 斷夢殘香 薄醉醒 湖海飄零 家萬里 嶺千

層登樓淒絕柳青青黃塵白髮悞平生憶瀕行芳草門
前馬亂鳴

越溪春

初夏由減
渡橋南行

初夏欲消梅雨日短掉過蘇城越溪今古多情水繞女
墻又長新萍蕪岸迢遙晴烟散漫古柳斜橫越來一
派濤聲曾見錦衣行祇餘一葉兩葉釣艇朝朝雨掠風
驚天外翠峰無盡前林啼老嬌鶯

千秋歲

壽老友
王逸菴

離亭別酌無那人飄泊秋風裏霜鴻落烟深空翠積香
冷芙蓉削紅袖起踏歌疊勸長年爵斗外星孤焯地
上仙高綽風日好休閒却瀟洒江湖老冠蓋羞京洛歸
去也菊籬芝洞晴雲壑

解珮令

無題

幽窗無語斜拖翠袂對西風延竚頻回首不奈新秋却
未到新秋先瘦問天涯冶遊歸否画闌斜倚碧空皎
月照人時恰繞花陰走似水年華容易老春原蒲柳夢
刀環幾番依舊

最高樓

胥江
送春

吳江上漠漠送春歸黯黯擷芳稀烘顯杏萼飄紅後酸
心梅子未黃時遣情懷燈檠下寫新詞却厭向塵中
常作吏却怕向津頭頻送客都負盡好春期故園三徑
新蕪長他鄉幾樹曉風吹甚年時歸去也覓春遲

傳言玉女

秦淮感舊

燈火秋霄幕地投人百感城南街鼓早傳聲坎坎笙歌
舊邸一片彩雲飛慘月明如昔仍來窗檻 画閣空臨
鎖煙霞隔激灩新聲繚繞更秋懷黯澹風吹燭暈壁影
搖來幾閃回眸廿載青絲誰染

剔銀燈

九月望夜客憶

今歲重陽又過明月滿窗疎紙破霧斂煙銷江樓斜倚
耐得清秋三箇憐渠嬌小却慣受別離摧挫 自惜此
身老大還縛在名場磨剉夢邇人遐秋高天遠客裏月
明無那來朝風雨索性早閉門高臥

古陽關

雲陽道上

何處一聲角客有陽關作朱方古路行行竹枝梅萼任
風帆朝暮望斷江頭閣問幾許年華一向此飄泊 干
載齊梁事都寂寞亂山橫郭寒月起海雲拓四圍深霧
中半夜江潮落在江干三年慚愧揚州鶴

春雲怨

上元舟中

春雲薄劣送殘寒輕暖隨舟飄泊柔櫓幽泉清激自覺
愁來眠不得山寺寒鐘漁村燈火便是天涯上元節四
野蒼烟幾匝細柳一片長淮月 年來百事成悠忽祗
東風歲歲能添新髮控楫春宵怨聲咽銀燭朱樓酒盞
歌喉舊盟猶熟湖上重遊飄風零雨怕早殷紅似雪

百字謠

葬花

候憐春減早東皇著力亂飛紅雪碎剪芳心誰疼護空
怨粉零香折一往花魂頻來風信緣盡三生結埋珠葬
玉漫歌半闋為別 消受幾許芳華鶯欺燕妒枉我憐
春切堪北王嬙墳畔草悵弔曉風殘月廣陌濃陰垂垂
成蔭處感人悲絕正新原上酒澆荒塚時節

滿庭芳

贈舊妓

悞我鬚眉磨人歲月幾番紈扇霓裳香叢粉隊落拓少
年場湖上尋遊較晚重來後那識劉郎多情却深憐老
大一晌去柔鄉 徬徨頻斷送春花歷亂秋月蒼涼問
當年車馬今日門墻還憶青衫白傅三年別殘月荒江
安排得鳳鬟蟬鬢荏苒點秋霜

又

中秋宴集鎮城王瀛
一表兄宅次日北去

深院如銀天街似水平分一半清秋人間天上花月兩
忘憂碧海冰輪乍湧佳人意蘊藉風流檀槽擁玉盤珠
落法曲按涼州 清流今夜集門傳王謝才擅枚鄒快
盛會良朋酒盞歌喉聲斷嚴城戍鼓長河沒曉色東浮
明晨也西風塵裏馬首去悠悠

水調歌頭

將浮東海久寓吳門
望京口舟至偶感

昨夕更今夕燈燼又重花平江蕪岸千里煙雨接汀沙
幾處垂楊繫纜連日驚風掀浪無自致浮槎殘夢五更
醒城上正吹笳 寄江滸歸嶺嶠總天涯淹痕翠袖如
今那復問年華浮宅欲遊森杳投轄直臨溟渤季布久

無家易擲年如水難剪緒成麻

水龍吟

初至京口

年來海上雙眸憑高眺徧烟霞塢南徐秋盡浪花萍影
來成偶聚一榻清齋孤檠靜夜江風鳴戶歎金焦對峙
洪流夾瀉奇險處開筇鼓 白髮江臯津吏看山川消
磨今古天光水色昔人留恨千秋奚補露寺雲生霜洲
潮上蕭騷誰與却未知買棹何時去也已遷寒暑

角招

歸來早冬殘矣十年一楫空擊冷香無處覓約略別時
江閣吹笛音寂寂任驛使飛塵前路怎寄遊人欣戚寒
灰撥遍無眠有涕痕零滴 裏楊朔風似鏘經旬雨雪岸

遠雲如冪空江風浪激寺送寒鐘舟維霜荻烟波画鷁
離別緒難明端的待得閒窗深語也素几湘簾重翻新
曆

瀟湘逢故人漫

贈王墨江內兄

凍雲遠鎖正北風陡峭冰結江河人栖穩南柯看山連
雪巘江冷漁歌羊裘紙帳宿荒亭此夕寒多黃昏也漏
沉燈燼無如一種愁何 鄉音聒生狂喜有故人子猷
買棹相過 烏 巷冷鳴珂想六代風流未盡消磨酒
光燭影新詩句雅怨蹉跎關情處爲君題破香閨梅影
婆娑

一萼紅

思歸

問征人在天涯何樂歲月老風塵五斗鞠腰二毛插鬢
有無趣味津津落拓已半生閱歷昔年少高氣欲凌雲
車馬蕭然黃梁孤館夢破銷魂未了向平婚嫁苦將
兒女事貽累衰親陸海升沉桑田水旱宦情家計紛紛
雲薄暮奇峰亂疊悵倚門望斷黃昏此事最關心緒非
為鱸葦

擊梧桐

安慶道上

山色濃於染看四圍含翠浮嵐深淺更亂峰遙聳碧天
半遮斷橫霞幾點危橋曲澗叢篁密樹幽徑泉流百轉
滿壑松風動似海門潮湧濤聲清遠坐石吟秋穿雲
眺晚疑在仙人靈苑一縷孤烟直暮嶺外古寺雙扉閒
掩冷韻淙淙溪上聽來清絕覺俗情盡斂恨眼底山川
如画囊乏并剪

西江月漫

秋日途次

離懷落莫雲嶺外斷魂千尺秋色到家山碧岩丹樹盡
成拋擲頻來往楚尾吳頭不堪聞是月明橫笛數交遊
海闊萍孤誰箇曾相識羨獨鶴高飛全羽墜任狹路
密羅似織應笑烏衣巢幙上過杏花寒食但熟計束帶
科頭箇中苦樂易明端的欲寫寄宦味鄉思鴻魚寂

沁園春

岳武穆墳

已缺金甌又墮長城誰為厲堦歎青衣再着英雄飲恨
黃龍遠去宗社生哀五國魂沉兩京烏啄三字人亡禍

亂偕千秋後證好還天道得喪嬰孩
六橋桃李紛開
空憑弔湖山少賦才看紫陽崑月圓而復缺錢塘江水
去也難來朔漠清塵西湖立馬今古興亡一矚眙君何
恨任金陵宋寢同委蒿萊

賀新郎

戲贈友人同日納二姬

日映羅幃卷看英皇黛螺互贈粉香分遣良夜偏多輾
轉思雙袖脂痕交泣猩紅落紛紜絲繭曉起眉山同樣
好画來時翠色誰深淺感損處爭先展
妝成未便半
章顯略分明金釵半欹雲鬢微扁拚老此鄉岐路迴恐
悞雲中雞犬效比翼分飛未免蜀洛遨遊多反側楚和
齊兩兩森新典滕小國勢分剪

沁園春

咏美人足

被掩纖鈞裙拖新月霞尖吐鋒值鎖窗繡倦珠含鳳唳
蒼苔行過露濕蓮踪紅雨香黏綠陰莎軟兩兩低飛紫
燕從登樓也聽數聲輕悄心鹿忡忡
霜華漸祛寒冬
好羅韞深煨繡帶封正銷幃酒醉牀頭斜曳良宵夢醒
掌上歡逢巧樣親描名花細貼月好燈明意倍濃鴛衾
畔忽背郎偷卸落瓣芙蓉

沁園春

九日即事

冉冉閒雲颯颯涼颼登高舉觴看羣峰聳翠岡連野寺
雙溪環郭網集漁梁滄海空濛雄關孤峙曾是東南古
戰場當年也見金戈鐵馬盡化侯王
惟餘烟樹斜陽任

舒嘯山亭慨以慷有黃花插帽丹林放眼清歌拂水画
角鳴霜秃鬢風前殘秋天未此日何人不望鄉詩思在
趁平沙歸路月色蒼蒼

沁園春

贈章聖可

重到南徐風物江山游如昨焉問誰存經緯異中臥亮
若矜名義海上投連二仲携來百篇誦去更許何人續
謫仙當今日喜生才似此不負山川 有時捫虱而言
嘗作客金臺易水邊常羈栖逆旅足澆酒碗旗亭風韻
壁畫詩箋客至詢奇君歸抱膝秋水週圍一握大伊人
在好行歌互答擬扣蘭舷

前調

再疊前韻

一畝之宮百尺之樓君將老焉曾明廷獻賦以揚似馬
結盟文社比惠為連丹火全捐機鋒不用自作人間詩
酒仙興來也待筆揮東壁杯吸西川 更明大義微言
好卜築鵝湖鹿洞邊看窮經殫力居諸穿榻續餘論史
往復詮箋三徑常閒百城高擁君樂惟何樂在天聞知
後向嶧峰題壁沂水歌舷

前調

獨遊花山再用前韻

直上寒山遣興滄波冷然善焉值囂塵蕩漾深遮眼黯
雲嵐蒼翠近與眉連無酒仍佳有賓即贅自向煙霞問
散仙開襟處是烟含凍柳雪霽晴川 便當得意忘言
拚終老清溪風月邊看勲名有盡犧牛芻狗文章不朽

斷韋殘箋升漢曹騰沉淵駭疾此事從來說在天君如
肯學吳江漁父祇解歌舷

霜葉飛

送家姊歸里姊適廣平冀檢
討任中送家慈到鎮即返

秋懷落拓正峰亂雲零江城相聚來時楓樹已霜醺忽
訝成歸路最難停淒風苦雨重陽已過還如許問孤客
天涯怎奈得山川隔斷離思無數那更母老家貧時
艱宦拙一往愁深誰訴夜深醉夢哭歌頻酒醒渾無語
但支拒年華流轉江濱徒羨漁樵侶對清尊不堪聽雁
陣衝寒一聲歸去

十二時

暮秋天白雲宕漾野菊枝頭垂雨聽画角高城吹徹淅
瀝風來披戶涼月半規暗塵滿壁散亂愁無數更蟋蟀
床下鳴秋零落豪情俯仰於時何補人怎知秦淮佳
致祇似蕭然環堵繁霜已至江干歸路黃葉村村舞投
山鐘寺晚昏烟樓外幾縷白髮催仍驅瘦馬何處追歡
逢怒風冷鍾陵春留吳苑返棹寒梅吐問落英餐未年
年自開園圃

鶯啼序

東風吹徹鎮日避殘寒掩戶記花發往歲城隅芳園恰
值春暮楊柳亂篩拂鞭影兒家院悄圍紅樹看笑盈桃
靨驚魂墮隨飛絮皎月明疏珠宮再見恍鎖烟籠霧
背燈兒腮暈脂痕幽情難致片語卸鸞釵雲鬢半墮嬌

紅滴淚絲千縷夜迢迢漏斷夢迴濕灩灩露 江臯香
冷陌上花間占得焚巢旅芳草綠驕嘶別馬涼月淒風
苦柳眠花醉鶯歌燕泣繁華刺眼無情緒望高城昏暮烟
橫阻殘魂彷彿來古渡拭子夜啼痕窄却帶圍如許 百
年如水春怨如綿交臂成陌路悵薄福浮名老敲碎珊
瑚散盡纖穠無人調護思多怨深飄風零雨遡心期舊
盟已負落殷紅埋恨成千古楚些歌好難招二十年來
柔魂斷否

鶯啼序

崇川
春望

赤霞擁日映曙色江天展画芳洲樹鳥語嚶求春光弗
隔疆界晴岸村村接烟水長風幾葉蒲檣快任海吞江

入仙槎泛碧空外 蛟女珠光馮夷鼓韻罨霧襟雲帶
望鹵中蕪草荒烟射魚鹽利煮曬峙孤城清笳常起飛
雲停駐成車蓋恍樓臺隱現沈寥語多迂怪 潮聲時
吼萬騎奔騰千弩鳴澎湃排空際山堆雪卷巨艦輕投
芥波平風靜漁舸晚浦半鈎纖月藏深靄悵春殘浮海無
聊賴愆歸燕侶香壘壞恰小雨勻酥錦陌落花時屆 釣
鰲投轄意氣橫空老矣人豪邁倚檻處家千里霜劍金
尊短髮長吟愁來千派上方曉鐘鼓闌良夜鎖長沙何
窮沆漭豁雙眸頓覺扶輿窄三年高臥滄江弈局閒消
觀成與敗

春霽

是處春殘紅雨亂閒庭日弄晴影梁燕初來林鶯猶轉
簾幙風柔塵靜窗幽屏曲盆蘭幾葉披香冷聽修竹搖
曳悄然長晝如年永 可堪追憶紅豆青樽黃壚故人
頓成萍梗舊漂搖江沱海澨舞衫歌扇華胥境睡覺桐
陰垂露井長楊堤畔輸與年少五陵驕驄時騁老懷徒
耿

琴調相思引

菜子花黃麥浪平迤寒逗暖過清明三春佳麗老眼不
曾經 扶病常時登小閣排愁惟有盼春晴濃雲如幕
又向海邊生

菩薩蠻慢

辛丑端陽前一日崇署坐雨停歌偶成

明朝重五悵羈懷獨對一庭風雨望海雲東起蓬萊巨
飛互擁龍馬相參伍江浪排山何處覓彩鷁簫鼓唱吳
歎數闋歌散酒闌瀑挂簷柱 空堂偶爲仰俯想芳年
盛會誰復常聚好趁得閒暇靜几幽窗聽冷韻淒音自
按清譜長袖新聲拚置我歡場聾瞽最宜人漁竿釣艇
煙絲萬縷

荔枝香近

憶漳郡薦荔

雨屆黃梅梅子黃時節銜殘上苑櫻桃候暖梨融雪枇
杷瘦比腰支徒愛肌膚潔忽憶取閩南新荔擷 香淺
淡紫苞裏甘漿冽玉潤冰清含茹頓消中熱五載沉酣
欲載明珠願徒切去後之思弗輟

尋芳草

接家書

一晌夢兒裏舉頭望白雲千里扁舟前路去人問載得
何來但愁耳 昨月到音書倚門老眼仍凝視說家貧
歲歉無甘旨遊子計應歸矣

梅子黃時雨

題意

泰伯城闈任細雨輕風來催時令環碧水青莎長堤如
縵岸上人家樓閣画欄映帶垂楊影榴花冷幾朵橫斜
窗扃塵靜 懷迴客心常警縱嘯歌一往清愁奚屏拚
老盡朱顏無涯風景花落難消何遜怨子成誰慰相如
病孤燈秉照入夢幃孤耿

透碧霄

競渡

屆端陽神龍掉尾戲滄浪旌旗饒鼓雷喧虹影日射霞
光仙靈虛步凌波驚濤忽現康莊彩繩牽寶筏悠揚倩
午風吹起浪高雪捲葉落雲翔 看珠樓翠閣桂船蘭
楫簾幙任開張有艷色芳姿人人炫服鬪新妝斜拖錦
帶輕遮長袖近襲天香恨晴峰夕照蒼茫覺柔魂欲斷流
水無情易散歡場

奪錦標

虎丘紀遊

綠楊拖水朱欄繞岸七里花香如霧來往蘭橈桂楫錦
瑟華筵波光流注看家家院宇門闌映扶疎紅樹動珠
簾半面魂銷驕馬王孫留駐 更藉新苔軟襯羅襪湘
裙綽約半塘閒步記得畫橋煙景遺得釵兒落紅盈路

向桐陰石畔背立斜陽知誰顧待中秋月好重來怕早
尋芳遲暮

子夜歌 渡海

水行乎地中甚物驅之盡歸東海問天漢烏從懸落石
洩沃焦焉在閩苑有神扶桑無影想像滄溟外我乘槎
對此茫茫儼與塵寰迹絕學談迂怪 颶風怒蛟龍驟
起坤軸頓驚傾敗雷鼓轟潮峯巔湧浪舟泛針頭芥值
斯時富貴浮雲敝屣冠蓋濠濮游魚紇干飛雀生處投
無礙笑銜填精衛真愚厥津未逮

山亭柳

送原錢塘明府雲岑兄赴閩

客發長安南走路迂盤峻嶺下響危灘憶昔啼猿聲切

鴈鴻影杳愁繁分手津亭流水何處鄉關 玉門西去
隨都護羣嘶驄馬過山丹丈夫應老艱難依舊蕭然書
劍誰憐張祿袍寒愧我滄江歲晚弈局閒看

鬪百花

閨睡

新譜碧簫倚倦日永繡衾耽戀翠翹未墜鬢青鳳背先
遮裙茜睡思深沉皓腕欲拂雙眉錦袖更遮全面掩戶
聽鶯囀 簾幕垂垂罨映窗陰日晏香冷茗熟若來戲
揮紈扇驚閃星眸春風底事撩人吹返朝行雲片

酬江月

崇邑觀邸抄

碧空晴皎捲簾處雙燕微風斜掠短砌輕苔大半是日
影槐陰閃爍閒晝如年孤城似斗望裏天垂幕浮雲散

盡古今無復正壑
試聽蛙鼓喧鳴公私何屬不似觀
魚樂藻碧波澄更露傾荷蓋香飄桐萼明月高樓倩誰
吹玉笛引來遠鶴星河清耿紛飛徒亂鳥鵲

看花回

小齋題壁

栽竹疎籬亂石間
堦簇苔斑榴花斜綴蕉陰後儼朱唇
翠袖雙鬢凌晨風露裏幽鳥關關
頭上鳥飛去復還
肯放誰閒茫茫赤日黃塵道苦攢眉閱歷多艱息心逢靜
境是處深山

四園竹

題意

搖雲篩雨朝夕有新聲晴暉弄影暗上簾鉤近拂窗楹
蒼石邊青霄上亭亭玉立紛披千劍縱橫
月初明昏

煙淡宕輕遮幽栖小鳥時鳴涼夜低垂池面顆顆枝頭
玉露傾此君丰韻多閒冷歲寒堪與盟

驀山溪

第一體假山成

一峰突起鬼斧連宵割片片買煙霞攢成幅米家墨潑
雄奇驚絕儼鷲嶺飛來嵐霧豁山靈奪幽處留雲抹
輕風淡月相對忘飢渴芳草繞根生綴翠竹丹花幾撮
飄蕭杖履行住總悠然無涉跋何天闕造化歸旋斡

早梅芳

茉莉

午爨長朱陽赫置此冰霜白炎炎炙手榴火烘霞遍南
陌誰拈薝蔔笑或厭芳蘭摘獨西來香妙雪嶺標丰格
烏鬢徧翠翹窄顏色添光澤晚妝靜好季女欣然共

晨夕迎風開素襟映月消寒魄賞心稀逢時多熱客

瓜茉莉 題意

妙法空香得西方本意牛車上一無文字風前露下存
此種幽人別致偏宜向淡月昏黃移床近花穩睡
殘梅嫩葉嶺南地曾標異 閩廣多帶葉梅花 如皓首綠衣卑位閒情
冷韻燄炎外成高寄想老來幸有素心常守勝於偎紅
倚翠

長亭怨慢 昆陵舟行聞蟬

纔聽徹江城梅落驛樹陰濃早蟬聲作雨歇虹消晚涼
音亂帆風弱不平鳴耶戀美蔭招攬攬候至物先知便
覺得淒淒盈耳離索 向河橋勝處唱徹綠雲如幕無

端画角引來鬪夕陽城郭待貫酒醉過蘭陵任卿輩閒
爭唇齟盍領意忘言且穩一枝栖託

雙頭蓮

蘇城封門外新寺觀蓮六月廿四日傾城出游余於次日方往

簫鼓城南襲滿路香風採蓮涇古紅亭碧沼慨往跡惟
剩當時歌舞何處雲綻煙開問芳洲蘅荏來採取弱水
仙姝瑤池玉欄徒撫 誰信傾國佳人試拈花幾笑便
成黃土荷欹露瀉早顆顆珠淚翠斑難數祇恐粉墜紅
沉對空房揮塵趁艷妝向客為容姑留洛浦

金縷曲

閱彈指詞即用其韻

蠹腹搜殘卷惜如是高才鬱鬱孤懷無遣晚老侯門詞
賦客肥馬輕塵潛泣竟雪臥靈蠶無繭常憶謝安為痛

哭較江河秋水情深淺萬丈焰藉君展先生留兄署二載為先人校刊詩文常懷知

已之感 文名葉柳他時顯氣吐蘭凝馨滌穢詞壇越扁百

尺玉樓縹緲際數致音書黃犬先生數惠音問泛海路溯洄未免

每望九龍山撲靄老成衰無處求型典江今夢筆花翦

懷舫詞續

滿庭芳由蘇赴崇用淮海韵

寒雨連山新蕪遍野人隨春老吳門流連花月幾取醉

金樽一任韶華過眼憐遲暮塵緒糾紛浮家入滄波森

杳雙槳蕩漁村詩魂淒斷處枝頭梅結水面萍分粉

香恨空留白紵歌存春送何方去也殘紙背深印愁痕

登樓看雲峰四起海色渾朝昏

減字木蘭花無題

蘭舟日午欹枕春思增媚嫵綵繡鴛鴦被底爭如兩鳳

翔脂紅暈臉眸閃眉顰長袖掩搖曳纖腰舞倦東風

態更嬌

前調詠美人浴足

繡鞋輕褪鮮露雙纖紅雪嫩掬渥蘭湯手外跟兒半寸
強柔如無骨軟薦香綿包玉屑謂若未重裏雲綾鳳嘴
啣珠許若憑

一叢花壬寅端陽作

庭槐低壓翠雲濃蒲艾插簾櫳彩符繭虎堆鴉髻就間
綴半朵榴紅紈扇飄搖湘裙蕩漾一捻舞腰風金縷
擬進碧香筒午日正懸空不辭玉手慙相勸人將老且
盡盃中纔卸梅粧又梳蟬鬢莫惜醉芙蓉

山亭柳月夜聞笛

海月孤明玉笛忽飛聲生幽怨起離情一曲沙場人老

此時齊上邊城客似單栖烏鳥繞樹魂驚閨中思婦
停梭聽涕痕落染翠綃輕玉關有夢難成多少樓臺簾
捲夜涼露逼歌清不管梅花落盡曉箭催更

沁園春咏美人影步陸雲士原韵

玉鏡臺前遇卿相憐無言默從便携來燈下與君飲共
月隨肩側顧我愁同晴晝欣雙陰宵怨隻恍惚輕拋永
夜中邀輕薄向青天白日膽照秦銅負暄常願追踪
胡陰雨淒時悵未逢似堂成畫錦依人飛鳥浮雲天脊道
跡冥鴻學步橋邊迴身掌上老盡佳人綽約容當年意
嘆誰能復識餘韵流風

大江乘吳歌

山歌子夜夢兒裡唱醒客愁不了斜月微風塘路一舟
尾一聲飄渺阿姐心癡哥郎倖薄負却奴儂小別時那
亨音相訂路回杳杳 恰是柔櫓輕潮相迎呶呶斷續
腔兒好此際誰家吹玉笛不啻關山人老野寺敲鐘津
亭擊柝石上秋衣擣霜鴻高和更鳴鳴畫角催曉

花心動

咏蚊用陸雲士原韵

浪影萍踪得翻身公然作人磨折繡榻橫陳鴛幕低垂
惟口興戎侵越青蠅拔劍堪驅走對尔輩深增抑鬱背
人處搖唇礪舌恫疑虛喝 天目恢如網鐵早露結霜
凝引裘捐葛烏喙空長巧舌奚捫尚口乃窮終斃飛而
食肉時無幾撲滅處雷同無脫鬧場歇依然光風霽月

前調 詠風

無縫天衣豈能容如公等來迂折鷄肋何當几肉奚逃
肥瘠於君秦越衣冠對吏難搔抓將何以開人悶鬱老
奴對閒捫尔出霸王高唱 衾冷匡床似鐵偏敗絮殘
絲引成瓜葛玉手輕拈皓齒微開骨醉柔鄉甘斃燈前
血淚多沾灑指彈頃能為起脫業緣歇禪中曾耽風月

雨霖鈴

寒夜坐雨

濕雲低舞忽來飛麗滿砌寒雨江城畫角吹晚蕭然入
夜早扃雙戶此際清愁觸目似烟絲千縷日望絕故里
音書排天鴈字徒參伍 幾堆落葉籬根聚被涼風振
響空堂庶簷聲滴徹長宵跟定了麗譙更鼓枕上帷邊

祇許燈兒照知悲苦人老矣豈不懷歸王事嗟靡盬

一叢花 歸潤二首

閒愁遍結水雲窩春色在烟波孤帆斜日征夫路杏花
發梅委青莎古柳長年風中舞倦尚有綠條拖 潤州
前去亂山過遠望暮嵐多迢迢一片昏黃月殘霞徹早
到籐蘿此際窓間深惟短檠定是感雙蛾

殘梅幾樹守荒庭瘦影小窓橫歸來羈客春將判花何
處芳草叢生冷淡閨人煩相慰藉靜夜守長更 堦前
留住月孤明低照恁伶丁玉顏憔悴東風裡繁華夢一
晌纔醒淪落憐卿卿還憐我垂老却飄零

滿庭芳 咏玉簪花

素質驕梅銀莖傲雪場陰翠袖翩然晚風靜襲蘭麝散
華筵况是秋霖初霽邀微月色潔香鮮採芝共瑤臺瑤
圃月盍水雲僊 誰憐有別種閒情逸態秀雅無前覺
艷魄嬌魂點染塵綠偶把芳心半露寒馨迸玉潤珠妍
好移對霜中黃菊寶氣發籬邊

尋芳草 盤門印事

樹杪着煙澹午鐘動塔浮雲霞繞城闌幾曲新水綠觀
漁舟葉濃染 曠僻似江村小橋外畫樓映掩漾青帘
翠竹圍朱檻欲解珮梅寒斂

探芳信 春草

池塘畔見石秀香芽禽零翠翰恰綠波侵處垂楊影凌

亂鋪茵結綬綠堤上驄馬蹄輕散更遙連雨後羣峰曉
雲千段 藉坐春衫祭把美醑頰曉芳心閒翫搖樣風
光顏色惜偷換凝烟帶露鮮妍態可作蛾眉看願年年
醉卧青青玉案

浪淘沙 丁未吳門上元陰雨

寒雨久瀟瀟向暮連朝水泥塞路戶無敲巷鎖濕雲磨
注瀑黑黯深迢旅館更無聊薄酒盡教兒癡渾不解蕭
條問過新年將半月未賞元宵

前調 十八日重慶元宵被禁

雲淡雨初停四起歡聲市樓燈火燦華星舞榭歌臺皆
置酒人月重盟 閨閣晚粧成簾下波橫玉弓准步畫

橋冰驀警風雷羣跡掃皓魄孤明

山花子 卽事

微雨輕風靜遠塵石橋野草綠將勻游女歸途裙袂濕
裹香芹 嶺抹閒雲閱夕晨陰晴天氣入年新曉日凝
眸煙樹岬好青春

前調 咏烟

薄醉長吟在短篷隨雲細雨打潮風香霧忽飄清夢醒
把煙筒 樹者不生新火焰灰寒徒畫茗爐紅千縷絲
牽腸軟處舊丹衷

浪淘沙 吳江返棹

空老半旬春溪路湖濱風寒日暖幾昏晨獨有江流無

畫夜逝者逡逡 少歲作遊人鬢髮成銀長條艷藥眼
前新若問當年花共柳跡也陳陳

沁園春 吳江長橋

十八年餘橋畔重過客興嘆焉悵孤迢歲月江山繞匝
變遷雲物人事拘牽昔去英豪今來衰廢蒼石無心枕
碧川津亭路閱旌麾繹絡時往難還 水中月影虧圓
似曉暮催人厲九淵任漁舟釣艇綸垂網舉使槎貢艦
節珥帆懸棹尾追隨窓中依傍照徹朱顏易雪顛君何
事儘有涯精采盡老風煙

解語花

啄雀爭枝墜

繁花深院長晝閒塔啄雀爭枝墜翠雲迤地零紅雨惱

亂幽窓午睡粉顛香躡霓裳委芹泥沾漬響金鈴蜜葉
翩反碧沼搖荷芰 滿目鶯花嬌膩詎流連繾綣佳麗
爭嗜一枝榮瘁何欣感遽爾雄鳴雌許鷓鴣高寄想棲
穩碧梧聯翅春欲老杜宇催歸此鳥知人意

疎簾淡月第一體 春夜 吳江

白雲低控如素練垂空扁舟穩夢柳岬蘆洲一晌寒暄
常供有時水月閒掬弄忽清風穆然飛送念年光景隨
鷗逐雁曩輪誰控 何由避歲時磨礱已往回首迷離
霧霽驥病鳩衰猶事雨風飄凍久嘗客味如匏苦短檠
孤照人愁衷春陰寒夜清樽自醉闌無人共

玉蝴蝶 第三體 自述

驚見他鄉春轉清愁載擢晚發吳江人去遶梅未改岍
草先芳雪水消暄和修阻雲峰黯蒼翠深藏片帆張青
山辜負白髮頽唐郎當舞時雙袖常懷離緒已禿歡
場多故衰年孤行處莫問津梁賦詞就半生湖海間闔
迥千里畿邦九迴腸寒潮聲悄子夜歌長

瑤臺第一層題翟天言小照

江左風流遊燕趙凌霄志氣長六朝華麗冰壺淨滌獨
見澄光菊寒香發松老鱗成上映秋陽箇中人正幕天
席地寄託羲皇肝腸雄竒豁達魯連陸賈渾行藏列
公爭辟二生難致不事侯王晚來尋至樂水浩渺山色
青蒼悅而康覺道機滿目春意盈腔

再題像贊

劍氣披雲文光映斗胸羅萬象眼空諸有豪名四海不
踈而走交游五侯非約於牖籌時樂管託孤嬰白一諾
正山萬金渤溲相見恨晚訂交期厚新襲芝馨深醉醇
酒神毓丹青圖增黃耆日月光華精瑩無垢

懷舫詞目錄

玲瓏四犯

滿庭芳

露華

滿庭芳

臨江仙第一體

滿庭芳

花犯又一體

大江乘

水調歌頭

前調

前調

散天花

前調

愁倚欄令

子夜歌

大有

傾盃令

木蘭花慢第一體

意難忘

念奴嬌第一體

前調

贊浦子

浣溪沙第一體

西湖

無愁可解

鳳凰閣

蘇幕遮第一體

臨江仙第七體

南鄉子

陽春

醉鄉春

南鄉子

水調歌頭

前調

東風第一枝

白苧

花發沁園春

巫山一段雲

柳含烟

醉香春

玉山枕

側犯

虞美人

前調

滿庭芳

懷舫詞

玲瓏四犯

味燕

燕子雙飛問是否烏衣舊日魂豔玳瑁梁空老盡鬱堂
嬌臉鶯忽春去江南陌上杏花零亂恁畫樓翠閣更換
瞥然向客庭重見尋常門戶成畱戀羨新巢玉鋪香
薦辛勤來往誰憐惜獨我驚愁眼四壁塵靜茅齋賴爾
風光綴點想當時王謝陳迹彩雲飄散

滿庭芳

過伍相祠

伍相祠宮吳人俎豆地僻常鎖雲烟歲時巫覡猶例薦
醇鮮客過逸公英爽何思怨抵死糾纏當年便吞齊滅
越不及大名傳畱連我欲把盈腔恁淚陳灑階前不

平事從來那乞神憐咄咄迂儒怯懦須鑄就肝膽剛堅
雙旗上靈風猛起肅退又茫然

露華

虞暑味桂

金飈乍箴看砌桂扶疎秋烟淡鎖暑退涼生碧葉青雲
包裹幽堦厚繡苔斑恰有濃陰護安驚白帝玄霜促玉
殿擷香朵 天池巨木根大露陞低回河岸斜躡計日
蕊芬苞韻月嬾花娜結子肯落人閒還種素榆林左芳
豔處飛來夜珠一顆

滿庭芳

虞暑前二夕作

騎客繫懷衰年暮景歲序又屆新秋露華梧葉庭院夜
清運舉首張弦月到蕭涼後百感橫眸家園遠高槐瑟

瑟搖落正關愁 吳鉤隨我老要離冢畔星斂雲浮長
歌起烏鳥擊缶聲幽燕趙人歸晚矣曾醉處碧舫朱樓
西屏外烟光泉韻今古在林邱

臨江仙第五體

四時讀書詞

院宇留寒春迫湊東窗曉日啼鶯攤書香靜紙光營塵
囂不到處車馬索繁聲 竹几石牀蒼鬢客惟嫌今古
紫情不遑三立計虧盈霸王終有歇天地本無名
槐柳陰深亭館敞披衣會有高人觀摹圖史故生新置
身虞夏上避世海湖濱 枕簟頻移林茂處孤眠獨坐
苔茵短筇長瑟愍昏晨風來聽爽籟月到酌香醇
竹檻露凝梧葉冷夜來秋信蕭颺燈前展卷憶賢豪風

霜凋桂樹光焰熄蘭膏 典策高文灰一炬等身業儕
鴻毛道高終逸技徒勞姑騎款段馬莫著鬱綸袍
茶竈藥爐熏小閣簾前微雪濃雲讀騷看劍每宵分半
歌傷白石醬瓿厭玄文 天祿校書藜火照幾人經術
空羣馮唐皓首謝終軍驂驅窮道路鳩燕共榆枌

滿庭芳

寄示從軍子

對酒當歌人生幾許老驥伏櫪猶鳴壯心不已千里暮
雲橫曾學吟詩刺禦江山杳想像雄爭行過處戈沈鐵
化沙草戰場平 功成寧百世旗旌閣畫鼎鑄鐘銘誰
時見鶴來雙表孤城大業尙勲安在青海岸骨朽橫驚
封侯事原歸衛霍李廣莫歎兵

花犯又一體

獨坐時升兒委赴淮徐

坐空庭桂孤松老比年慕肥遯門無車轍時闌入涼颿
鷺驚秋信幼兒遊遠撥短棹淮黃浪幾何想北地曉寒
凌逼綈袍誰贈問 花寺柳堤盡苦雨淒風遙憶征夫
愁損鴻來候翠微積處飛灑蒼潤欲看萬家營家恐衰
草殘陽無迹訊獨抱膝天長雲密蚤陰沈暮近

大江乘

送思永大弟北歸

第昆白首幾人共旅館薄羹苦膾故國恆山圖染就萬
疊暮霞朝靄已老儒冠終沈宦夢翫麟何甘改著書羣
笑虞卿竟逃塵外 追憶少壯當年讀騷飲酒丰度推
文彩閱歷暑寒彈指際今古浮雲變態陳迹新愁虛名

老歲俯仰皆慷慨送君歸也與誰同泛瀛登泰

水調歌頭 八月初三夜

合朔逢辰酉初月又哉明風清塵掃宮殿眉樣畫新成
隔絕重垣廣漢微啓瓊樓瑤戶斜見玉鉤橫掩映薄雲
影歷亂綴繁星 瞻樓角同大火已西傾烏棲漏永蟾
隱兔臥悄無聲此際凌虛羿后幕地背人竊藥想畏露
宵行夜永珠艱覓頻望半輪昇

前調 八月初八夜

元代君臣會禋天日月峯 元人此日祭天於日月峯 弦上光射頭上
自古半輪同七夕鵲橋駕後重九龍山宴罷三度側秋
空密樹嫌藏霧繁霜漸避風 白凝露碧堆草戶吟蛩

平遮玉面商妾一曲不堪終桂殿嫦娥微啓豔飾徐妃
偏整百事貴從中惟畱餘地好不滿道常通

前調 八月望夜

秋令行將半明月恰重來不分吳塞燕市到處啟樓臺
幾許張筵秉燭何所徵歌選舞玉手捧金杯衰倦仍軒
舉扶杖立蒼苔 賓客空姬妾散樂誰借東昇西墜皓
魄與我久徘徊一响扁舟匹馬時怨終風暮雨懷抱幾
曾開既老當圓夜爛醉足生涯

散天花 秋日孤遊三首

今歲秋光已半殘庭延高爽翠苔鮮時思買棹泛滄烟
居行我與我共周旋 五度螢乾客未還桂香深密處

且流連淒然山遠碧嵐懸他鄉風景晚宿江邊
秋潔西郊淨滌塵山家花豔畫欄新維舟柳岸試披襟
獨憐遊冶地跡皆陳憶昔笳吹厭潮津華筵彩燭月
盈輪十年重過此變遷頻遠巡陪從散嘉賓野人爭坐
席意無嗔

屏列鹵山儼故山吳宮霜雁緩烟鬟望中移棹水雲灣
千秋歌舞地烏魚閒興亡世事總無關鐘聲續斷水
潺湲清溪林麓繞碧如鬟峯閒僧共鶴回還有時佳客
至是仙班

前調 訪曹氏二方

岸側衙門秋水通草玄亭古識文翁藤蒼蕉綠蓼丹叢

兩生難得致自融容漢魏三唐矗萬峯探竒選勝一
囊容潤中與朗外玉洵同玲瓏天際片霞紅九歎終有
遇驥羣空

愁倚欄令 秋興

霜清候嶺巒分結氤氳遠過丹林朱塔寺落紛紜綴
成行雁鴻羣暮攜雨低趁殘曛點染烟霞皆淺淡是秋
雲

輕陰密碧窗深曉寒侵蕉葉敲殘梧淨滌聽淋淋遠
遊人亂鄉心連宵晝睡啞鳴禽隔斷長雲書阻寄是秋
霖

赤霞散啓東窗射晴光簾捲高樓延朝爽罷焚香菊

花餐菱荷裳南楹敞兀坐匡牀輝映竹書開倦眼是秋
陽

荒原上草連空走飛蓬林麓村村堆木葉舞西東
下
野鷹掠枯叢山水遠寄寓浮踪白髮頻吹搔更亂是秋
風

樹閒起入空庭驀魂驚細應吟蛩高和雁不堪聽
夜
深沈夢初成龍鱗動幾陣潮鳴月黯寒鴉棲未穩是秋
聲

登樓望翠微閒埒雲閒蒼石丹楓如畫就綠青斑
客
頻年事躋攀扶竹杖數數回還齊日相招宵雨夢是秋
山

讀騷倦劍橫扛坐蓬窗吳越洪流頻絕渡險無雙
聽
灘聲響淙淙猿嘯處壯志輸降追憶平生奇險處是秋

江
顏非渥鬢成銀久風塵年老逢秋多嘆咏是何因
几
屏圍經史陳于茲內歲月常新零落朋知獨去住是秋
人

子夜歌 憶西湖

憶西湖去春數日繾綣翠帘朱增悵變盡驪山雲物獨
剩梵宮懸榻嬌面黛眉錦衣金帶寂寞餘孤衲更錢王
廢殿荒祠林隱榛邱艸館幾經僧臘
四十載吳峯客
院白髮敝裘重踏水色山光有誰問答依舊虛窗納對

黃冠隔世滄茫往夢紛雜江上風濤嶺頭林樹那記烏
飛匝向題詩樓壁飛來落塵颯颯

大有 卽事

娃館東塘吳城北陞碧雲千頃香稻客經過紛飛白鷺
羣皓農翁負手尋梨棗秋熟日薦新先考終歲婦子辛
勞八家力田溫飽 帝之力神是禱風與雨都調暄涼
柔燥場築倉塗種穗頓爲精鑿俯仰寓公聊足樂觀此
豐年熙皞試高味七月函詩物華天寶

傾盃令 檢桐子

高館清貧饒腸輾轉食貨別收餘政桐子高材潔性檢
與鄰無競 苔堦灑掃塵根淨汲清泉斯淘斯泳鹽

梅共作佳實儘可未滋調鼎

前調

奇品匙前餘材費下欲富何妨多算佐酒供茶非但糲
食邀來爲伴 飢鴻盤漸飛鳴緩採商芝入山迂嬾豆
棚露井間坐不羨金魚玉盃

木蘭花慢 第一體 庚戌中秋

看今年風月多今淡少光鮮悵水漲長淮山遠全趙日
遠幽燕老人逢秋多感況衰遲興淺祇高眠比歲寤歌
陋巷有時洄溯晴川 連宵笙鼓正喧填不夜采燈懸
想娼樓旖旎旗亭鬢鬢蕭寺雲烟我久齋居跣坐倚南
窗桂底望明蟾稚子分餽露下癡奴索醉廚邊

意難忘

贈友趙思翁

瘴霧炎風憶灘舟嶺馬曾與君同竹橋溪水鎖茅屋野
雲封將廿載久浮踪青鬢忽霜蒙茂苑秋月明相對竟
訝成翁魏其賓客常空驚網門蛛掃國士重逢魯連
遊海上毛遂脫囊鋒知到處有迎逢寒暑去馮馮一燈
惟紙窗溪話雁響雲中

念奴嬌

雨中對菊懷歸

西風吹雨送濃雲殘菊墻根凌競秋盡川原羣物老獨
見寒香疎梗別歷霜中支撐歲晚素節稱高迴丹墀玉
陛無煩槐棘遙映何處遊海商山餐芝乘鶴位置如
吾等祇合匡牀環堵際商確樂天知命衰草荒郊監米

古渡車馬會馳騁踏雪歸去攬轡大行峯頂

前調

夜雨感懷

季秋時候雨連宵送得愁歸首繁況是天涯遷謫客世
醉何能獨醒白日門扃昏燈風閉常似中賢聖偶然昂
激虛堂數振欬聲自笑一晌麤豪少年精采每厭臨
朝鏡眼底盡凋桃李豔不嶺孤松誰挺車笠相期久要
奚託浪勿侯羸頸我思避人覓酒中山終在塵境

贊浦子

庚戌重陽

今歲重陽近霜養物未凋養花參野卉煮蔬雜溪毛
窗外蕉紅梧碧江頭楓醉蓉嬌欲訪丹邱往南山鎖霧
遙

野菊開仍斂濃雲散復還鐘聞蕭寺迴雁響稻田寒
客況芒屨竹杖遊踪曲澗平山老衲重尋處空餘素鶴
閒

林麓治平寺幾曾載酒來石湖孤棹穩秋色列屏開
三載塵消夢斷半生枯木寒灰才子多年歿人琴重足

懷

治平寺吳人登高處

小阜登臨日追思五十秋菊花猶在眼雪髮已盈頭

九日懷親感遇百年電閃星流縱覓前陳迹衰遲謝壯
遊

浣溪沙第一體

復遊

纔出吳門已見山茫茫幽境世無關浮沈百載幾人閒

攀
暇日愧吾身已老春秋佳景起衰頽黛螺紅樹引躋

拂袖登舟喜遂遊治裝已典御寒裘籜冠褐篋趁殘秋
城市喧塵神久恩峯顛高潔病行瘳岩芝洞乳外何
求

西湖
送詹菊亭歸雲間

閩嶺外故人淪落行盡十年往夢說滄桑動君深憫叔
敖廉吏不堪爲劍囊書篋空蘊薄遊海山將倦張祿一
寒誰問難逢漢使賦凌雲千金買杏霜林處處葉飛時
返棹西風吹緊燕臺賢館仍招客赴春明尺五天近
珥筆生花流韻寧尋常酒肆歌樓甘澗無負懷思先令

尹

無愁可解 談道

斯世吾生鮮得易失物情那定齊一發急急聞徐燠寒
怎出共律自古取途無定吉岐格竭蹶奚必各做成侍
兔亡羊執者守壹通者喪質 理貴虛處能遊莊叟說
逍遙不存塞室若未明則暗寧曉明還似漆沉向塵中
競功利是夸父自矜追日倘覓使罔象進求墨珠庶形
樂而神逸

鳳凰閣

送王季任致政歸文安

徧關津落葉輿前飛舞半生貽悞一儒冠隨去青氈白
紵故國淒絕祇剩底蒼山綠樹 翩翩佳致寧與馬裘

為伍朱門北處存鄒魯聲價在謝王家握管揮塵視富
貴浮雲塵土

蘇幕遮 第一體

冬夜二首

院昏黃寒月照寥寂高城譙鼓初更報葉脫枯枝鴉繞
噪蕭瑟風前似對羈人告 起離思歌古調曲怨深情
迢遞年華老郭外空江流水杳斷香殘夢幽窗曉
菊花殘松影瘦抱膝支頤憶遠三秋後萬竅爭鳴霜信
驟閉閣垂簾時有新寒透 短檠邊長劍右擊缶敲壺
昂激人如舊塞馬泥鴻還記否浮雲變處無宵晝

臨江仙 第七體

雜味八首

文杏東皋勻粉頰朝來細雨潤香脂昭容舞入影迷離

曲江春宴上罨映試官衣 多少畫樓簾幕捲盈盈

水盼芳時豔魂嬌臉每相依 陌頭寒日近花卸燕空飛

杏林
紫燕

三島仙靈遊水際騎來龍種悉神鰲日中鱗甲照緋袍

又如朱紫老魚袋賞勲勞 君子丰標推直節適情行

樂在溪濠清流同憩得心交將歸瀛海上不受汙泥膠

蓮池
金魚

楓老愛霜人愛酒拌教醉駐少年容暮雲靄靄散晴空

朱顏隨日落盡變白頭翁 丹樹秋山秋漸老遠來嵐

翠看溪濃那分雲碧閒林紅珊瑚埋萬顆白雪覆千峯

楓嶺
白雲

風濤曾不扣禪關陰護經樓色靜閒有時飢鼠事揆丸

跳梁霜瓦上遊戲翠鱗閒 聽梵聞鐘朝復夕看生羽

翼入仙班淮南雞犬與追攀赤松遊不返遼鶴化仍還

菘關
蒼鼠

木下霜飛羣物老半枯衰柳削長條苑叢好鳥盡營巢

寒鴉歸苦晚三匝偶棲牢 孤月宵沈庭樹黯驚風幾

陣起披搖南柯殘夢欲魂消晨星稀綴處飢噪古城譙

枯木
寒鴉

墳外斷垣穿曲逕墓頭起穴入羣狐自焚野火少羊奴

清明車馬路雉兔伏榛蕪 客過讀碑文剝落空憐骨

化發金珠當時石槨朽還無中林來壯士獮狩置長罝

墓田
野兔

野燒沙原憐瘦駿邊庭百戰罷歸來寒天遠放伴鴻哀
錦韉身久卸玉勒首頻回 萬里橫門出塞日單于驚

避去龍堆誰云驥老志甘灰心雄傷鼓駕骨貴買金臺
荒原瘦馬

高嶺雲寒飛夜雨猿聲催淚落常多巴江巫峽每愁過
萬重山曲處四面楚軍歌 憶昔嶺南灘瀨裏夢中哀

怨屢驚訛書旂鑄鼎竟蹉跎封侯原有骨無鐵裹腸何
兩夜猿啼

南鄉子 長至日人送松梅

松老愈菁葱長日來投鶴髮翁何事芳梅羅入幕參同

相識春機發露中 爾汝兩從容姑耐殘寒學固窮自

見漸亨君子道東風吹散浮雲天碧空

陽春 夜憶

暮山雲嚴更月靜院寒風排闥短燭照閒屏無人對一
縷鄉思起倉猝望空書咄徒遠羨健鷗輕鷗千里峻嶺
溪江蚤奮舉霎時飛突 憶來往津橋車馬路十五度

春秋儻忽為問年華幾許已蕭颯皓然鬢髮枯原雉兔

肥脂當少壯鳴弦催筭待歸去守火司閤惜流光擲脫

余耳聾足跛故
故末句朝及

醉鄉春 祝慈谿陳彥三古稀大壽

常作列侯賓客攜取行廚邱索遊迹遍海山閒鬢鬢青

青暹白 儼似高岡松柏饒植蕙蘭晴陌一番返一稱
觴從此揚解盈百

南鄉子 望兒

倚閭望斜陽背日輕帆應大張何處扁舟維弱纜知妨
塘路天儲塞櫓檣 衰病治無方有子來依體漸康不
願兒歸貽長物須商吳市吹簫乞稻梁

水調歌頭 曝背

白日問遲速罔兩說奔梭斷送幾代興替史冊漸編多
辰夕升沈未歇堪惜分陰寸景不返共江河野人晴曝
背國老曉鳴珂 若教彼相易換各驚訛富貴同入蕩
滅貧賤亦消磨禍福轉為倚伏生死祇頻來往昔樂去

無多一心符造物今古盡包羅

前調 賦喜雀

雙雀枯枝上雄去怨雌孤展翼欲起還斂翹首屢高呼
已刈大田多稼勿羨稻粱充腹恐致觸長罝公莫渡河
去冰雪載前浦 巢隙內斜照入且哺雛有待倦信歸
後飲啄芙蓉晡不效飢鳥能攫寧厭巨鵬遭嚇凡鳥豈
吾徒同棲非匹處雅意學關雎

東風第一枝 雪日

咏絮清才襲裘俊概空驚古事綽約芳春尚逗江東雪
花蚤頒瑞萼堆簷埋徑閒庭院月沈風掠想影斷天末
賓鴻棲冷冰苔孤鶴 漁釣處滄洲浩杳帘蕩漾酒亭

歷落無緣跨蹇揆奇暮晨聽殘畫角少時往夢舊帝邸
碧窗珠箔問良夜深醉如年不記兒家樓閣

白苧 歲暮

驛過梅煩誰送清愁一紙交除歲顛眨眼空增馬齒見
紛紜密雲疎雪攢年尾孤客掩荆關暇帶索披裘過市
暮烟曉風影響窮時有鬼思舊居沙堤芳草冰霜裏
雙髀肉消穿榻力倦支筇往嘗車騎想像如龍如水何
處覓鳴珂陌高陽里春遲小社似人老晚迹西川浮寄
少婦盧家故侶黃壚將若呼起永夜昏檠歷憶姑憑几
花發沁園春 贈原中牟令胡睿容
侗儻風流久遊梁苑河原同仰聲價劉郎前渡此地安

仁藝苑名場瀟灑雄懷翫麟青白眼時賢不挂斗酒醉
旁礴無人目光牛背遙射 邂逅逢君官舍喜揮塵清
談玉飛塵謝相如蓄賦揚子騰嘲那許俗流憑藉往來
趙魏慕豪俠肝腸傾瀉想文采定擅韜鈴欲勸車輶秦
灞

巫山一段雲

咏烟

葉仿瑤簪潤香疑蕙草濃深情密意一絲通纏綿寤寐
中 勞人咨馬上歸思怨樓東霎時愁緒起朦朧白雲
滿眼逢 放翁愁詩有滿眼
如雲忽復生之句

柳含烟 咏烟囊

絲千縷韞芳心特地贈君作佩蓄愁斂怨箇中深細追

尋 若便啓緘情易露 讒口恐來進妬不如維繫肘襟
旁自頻嘗

醉香春 咏烟筒

似塵又疑如意擬鼎能調佳味秉直道具虛心不學腸
迴口閉 豁達浩然之氣藏顯無心順致時閒適偶留
賓盈腔熱念聊相慰

玉山枕 年邑麥秋

戶捷人懶漸庭壁殘陽晚孤城寂寂疎鐘黯黯雉堞霞
橫砌樹鴉返江河悵望幾津亭蚤陌上麥黃盈眼憶少
年間駕巾車適田家勸雞羹秬飯 老來爲客成迂緩
草堂鎖衙門遠仍聞驛路鈴聲五夜去日思長舊時髮

短那曾嗔灞尉相訶復何競肆漿遲欵聽青驢古道長
鳴過邯鄲問仙遊荒誕

側犯 述思

斜風細雨小樓徒倚思王粲離亂豈時際昇平遊汗漫
閒心寄楮毫老景懷盤澗天半有劍氣扶搖薄雲畔
蒼巖山麓曠野平蕪展清溪淺聳孤城沙築長堤岸猶
見興朝舊家文獻歸羞偃蹇一鞭款段

虞美人 自咏

砌榻開歇牆陰長茂樹新蟬響客中情況儘清閒焚香
洗研弄柔翰扇湘紈 夕陽風襲羅衣爽緩步仍扶杖
容吾瀟灑老人寰山僧海鶴碧天寬爲無官

前調 五月望夜

海東湧出團圓月規壁瑩無缺中庭酌酒欲招邀白頭
皓魄兩孤迢隔塵霄年過六十歡場歌每對猶傾豁
清宵久坐露凝襟長繩思繫照天心莫西沈

滿庭芳 午夢

漠漠浮雲悠悠晝夢舊跡猶戀江東長簾短榻檻外倚
雙桐屏側紅兒宛在隨鳩杖仍奉歡容幽窗內輕來竹
韻倦眼拭矇矓 倏忽消息改人離吳苑客寓梁封曾
遊處依稀鴻爪泥踪縱令湖頭再見春老矣綠染芳叢
壯生醒無勞蝶夢更到幻緣中

懷舫詞別集

飲冰詞 詞寄減字木蘭花

狀元及第拜相平章軍國事子弟家奴勢壓中朝達五
都時衰運轉一旦詔書傳罷免空望台星門外蛛絲織
網成

長鎗大劍拜將封侯男子願百戰功成帶礪山河結誓
盟鳥亡兔死綠騎來收辭妻子萬骨曾枯此日身為釜
底魚

文章翰苑珥筆承恩趨內殿侍從親臣文采風流邁古
今直廬起草幾字含糊難檢討遠竄窮荒悔數十年誦
讀休

黃門烏府昭代曾無闕事輔撫拾緘微當陛陳言懾聖
威詔書切責朝列臺垣夕逐客沙島關門地迥難招塞
外魂

分疆開府一面獨當如列土權重官高日夜牙門湧利
潮盜賊水旱恩寵一朝成憎厭秣馬脩工荷鍾披堅帳
塞翁

開藩總臬指顧廷推膺節鉞貪利圖名玉鬢銀鬚頭面
盈上官色變怒發彈文如雷電幸乞閒身又作邊荒負
耒人

人文冰鑑校士衡才歸翰苑金盡床頭此日千鍾書內
求三年報政未許才華勝廉靜削籍歸田不赴河干赴

塞垣

長安得意新捷南宮登甲第宴罷瓊林寥落三年釜飢
塵扣門無路難塞寬弘丞相肚丸食三旬竟作燕臺餓
死人

誦書得第淹蹇十年方作吏黃綬新加好看河陽滿縣
花旱乾水溢民欠官逋催不力屈限難完政似陽城也
罷官

為郎乞米太守新章驚吏郎皂蓋朱幡五馬逍遙夾路
看寨帷新政不用憂民憂縣令庫缺倉空全仗糞黃煉
石功

從龍舊族奕葉勲名膺寵祿更起門楣生女承恩拜后

妃車隨千騎忽爾隻身愁獄吏餓死條侯地下難忘曰
實仇

戎王雜種附翼攀鱗本材勇生子多能漸歷卿班作相
公招權納賄網盡金珠誰忌畏富過公家身死雙拳無
物拏

徒行千里營入候門為記室劣字歪詩名姓遂通紫禁
知各成門戶甘作中山狼不顧還效江充臨死方嗟萬
事空

津門市僧網利煎鹽登壘賣生子麤豪遂列資郎廣納
交兒丁不識暗囑吳剛偷桂籍家敗名傾化作豐城劍
氣橫

豪門寄食憑籍聲光通近習既負能乘便與舟中敵國
同利爭交絕管鮑忽成吳與越蚌鷸同休又見漁翁已
覆舟

橫行輦轂廠衛當年興詔獄羅吉遺踪踵事將開告密
風積金齊斗禍來三木甘囊首穢骨飛灰細碾車輪糞
攪煤

含香啟事輸輓爭先功可異驟晉官階捲起山西地面
來兩江回節億萬深藏成決裂拚死珠娘財共身亡似
石郎

少年意氣讀史觀人稱大義感激陳言思共張留李鄴
傳君心未信諫草徒傳忠命盡闔室遭誅羽翼萌芽更

剪除

才華公子作吏沾沾常自喜吐氣揚眉談笑都堂聽指
揮悞交伯嚭便效逢蒙加一矢家令朝誅日夕袁郎死
道途

椎埋無賴攘背從戎多掩敗好殺降人到處摸金斬難
民宣淫凶死親串分金害妻子虜利君財倫秀何嘗得
享來

